

Na osnovu člana 10. stav (2) Zakona o budžetu institucija Bosne i Hercegovine i Međunarodnih obaveza Bosne i Hercegovine za 2023. godinu („Službeni glasnik BiH“, broj: 22/23) i člana 3. Odluke o načinu korištenja grantova Ministarstva za ljudska prava i izbjeglice Bosne i Hercegovine za 2023. godinu koju je usvojilo Vijeće ministara Bosne i Hercegovine na 19. sjednici održanoj 25.07.2023. godine, Ministarstvo za ljudska prava i izbjeglice Bosne i Hercegovine objavljuje objavljuje

JAVNI POZIV

za dodjelu grant sredstava za rješavanje problema Roma u oblasti zapošljavanja u Bosni i Hercegovini za 2023. godinu.

1. Svrha i namjena Javnog poziva

Svrha granta je unapređenje zapošljivosti i zapošljavanja Roma i Romkinja u Bosni i Hercegovini.

Cilj dodjele grant sredstava je sufinansiranje i finansiranje projekata u svrhu unapređenja zapošljivosti i zapošljavanja Roma i Romkinja. Ova grant sredstva mogu se koristiti za podršku projektima koji provode sljedeće aktivnosti:

- a) podsticanje zapošljavanja i zapošljivosti Roma,
- b) osiguravanje sredstava za provedbu programa zapošljavanja Roma,
- c) podsticanje zapošljavanja Roma u javnom sektoru.

2. Korisnici Granta

Pravo na podnošenje projektnih prijedloga za dodjelu grant sredstava imaju isključivo entitetske, kantonalne i službe za zapošljavanje na nivou lokalne samouprave u Bosni i Hercegovini u kojima žive Romi.

Podnosioci prilikom podnošenja projektnog prijedloga mogu:

- a) učestvovati s vlastitim sredstvima,
- b) vlastita sredstva udružiti s partnerima

i ista moraju biti prikazana u projektnom prijedlogu.

3. Vrijednost pojedinačnih projekata i sufinansiranje

Sredstva namijenjena za zapošljavanje Roma u BiH u iznosu od **200.000,00 KM** u 2023. godini, u skladu s okvirnim odnosima (Federacija Bosne i Hercegovine 62,66%, Republika Srpska 31,34% i Brčko distrikt Bosne i Hercegovine 6%) utvrđenim Akcionim planom Bosne i Hercegovine za društvenu inkluziju Roma i Romkinja za period 2021.-2025. godine, raspoređuju se na sljedeći način:

- a) zapošljavanje Roma u Federaciji Bosne i Hercegovine..... **125.320,00 KM**
- b) zapošljavanje Roma u Republici Srpskoj..... **62.680,00 KM**
- c) zapošljavanje Roma u Brčko Distriktu Bosne i Hercegovine **12.000,00 KM**

4. Opšti uslovi

Prijava projektnog prijedloga mora ispunjavati sljedeće opšte uslove:

- a) Prijava mora biti dostavljena u roku propisanom u javnom pozivu;
- b) Prijava mora biti dostavljena na propisanim obrascima;

- c) Svi obrasci moraju biti potpisani i ovjereni;
- d) Prijava mora sadržavati svu obaveznu dokumentaciju.

Prijave koje ne ispunjavaju opšte uslove će biti odbačene

5. Osnovni kriteriji

Osnovni kriteriji za vrednovanje projektnih prijedloga su sljedeći:

- a) Projektni prijedlog mora odgovarati namjeni i ciljevima definiranim u članu 4. stav (2) Odluke o načinu korištenja grantova Ministarstva za ljudska prava i izbjeglice Bosne i Hercegovine za 2023. godinu;
- b) Korisnici grant sredstava dužni su voditi računa o rodnom aspektu prilikom rasporeda sredstava i prilikom izvještavanja o namjenskom utrošku sredstava;
- c) Projekat mora biti okončan u roku do 12 mjeseci od dodjele grant sredstava;
- d) Budžet projektnog prijedloga koji se odnosi na sredstva Ministarstva ne može prelaziti maksimalni iznos koji se dodjeljuje po jednom projektnom prijedlogu;
- e) Korisnici grant sredstava ne mogu koristiti odobrena sredstva za finansiranje naknada za projektno osoblje;

Projekat ne smije sadržavati neprihvatljive troškove u koje spadaju:

- 1) Dugovi i rezerve za gubitke ili dugove,
- 2) Dugovi po kamati,
- 3) Stavke koje su već finansirane u okviru drugog projekta,
- 4) Kupovinu i iznajmljivanje zemljišta, postojećih zgrada i poslovnog prostora,
- 5) Komunalne troškove (voda, struja, grijanje, internet i itd.),
- 6) Troškove lizing,
- 7) Poreze i carinske troškovi,
- 8) Kupovinu polovne opreme,
- 9) Troškove garancija i slične troškove,
- 10) Kreditiranje trećih lica i slično,
- 11) Studijske posjete, osim onih koje se mogu finansirati iz sopstvenih sredstava i
- 12) Kupovinu vozila.

Prijave koje ne ispunjavaju osnovne kriterije će biti odbijene.

6. Potrebna dokumentacija za prijavu

Podnosilac prijave na raspisani Javni poziv obavezni su da popune slijedeće obrasce:

- (1) Obrazac projektnog prijedloga (*Obrazac I*);
- (2) Plan aktivnosti (*Obrazac II*)
- (3) Budžet projekta (*Obrazac III*);
- (4) Logički okvir (*Obrazac IV*);
- (5) Podaci o podnosiocu projektnog prijedloga (*Obrazac V*);
- (6) Ugovor s bankom o otvaranju transakcionog računa (*ovjerena kopija*);
- (7) Potvrda poslovne banke da je transakcioni račun aktivan (ne starija od dana objavljivanja Javnog poziva);
- (8) Izjava o partnerstvu – *Obrazac VIII* (samo za grantove kod kojih su predviđena partnerstva)

Svi Obrasci moraju biti popunjeni, potpisani i ovjereni od strane odgovorne osobe podnosioca projektnog prijedloga.

7. Način podnošenja prijave

Prijave se podnose lično ili putem pošte, u zatvorenoj koverti na adresu Ministarstva za ljudska prava i izbjeglice BiH, **Trg Bosne i Hercegovine 3, 71 000 Sarajevo** sa naznakom:

**„NE OTVARAJ
Javni poziv za dodjelu grant sredstava za rješavanje problema Roma
u oblasti zapošljavanja za 2023. godinu“.**

8. Krajnji rok za podnošenje prijava

Rok za podnošenje prijava je 21 dan od dana objavljivanja Javnog poziva na web stranici Ministarstva i obavijesti o objavi Javnog poziva u tri dnevna lista koji se distribuiraju na cijeloj teritoriji Bosne i Hercegovine. Nepotpune i neblagovremene prijave neće biti razmatrane.

9. Dodatne informacije

Sva dodatna pitanja u vezi Javnog poziva se mogu dostaviti putem elektronske pošte, najkasnije 7 dana do isteka roka za podnošenje projektnog prijedloga, sa jasno naznačenim nazivom Javnog poziva u predmetu poruke i to na sljedeću e-mail adresu: irena.penc@mhr.gov.ba. ili na telefon 033/703 – 958.

10. Kriteriji za vrednovanje projektnih prijedloga

Prilikom razmatranja projektnih prijedloga Komisija će vrednovati sljedeće

1. Kvalitet predloženog projekta;
2. Budžet i održivost projekta;
3. Institucionalni kapaciteti podnosioca projekta
4. Prepoznate prednosti i dodatni kriteriji

11. Kalendar Javnog poziva

AKTIVNOSTI	DATUM
Objavljen Javni poziv	1.09.2023. godine
Krajnji rok za upute i pojašnjenja	16.09.2023. godine
Rok za podnošenje prijava	22.09.2023. godine